

JAMHURI YA MUUNGANO WA TANZANIA

WIZARA YA ELIMU, SAYANSI NA TEKNOLOJIA

Anuani ya simu: 0755733983

Email: tandalatc@moe.go.tz

Email: tandalatc@gmail.com

Tovuti: www.tandalatc.ac.tz

Unapojibu tafadhali taja:
Kumb. Na. **TTC/UW/17/150**



Chuo cha Ualimu Tandala,

S.L.P 377,

NJOMBE:

TANZANIA:

10. 06. 2026

Ndugu

YAH: MAELEKEZO YA KUJIUNGA NA MAFUNZO YA UALIMU NGAZI YA STASHAHADA YA UALIMU ELIMU YA MSINGI 2026/2027.

UTANGULIZI

Tunakupongeza kwa kuchaguliwa na Wizara ya Elimu, Sayansi na Teknolojia ili kujiunga na Mafunzo ya Stashahada ya Ualimu Elimu ya Msingi katika Chuo cha Ualimu Tandala.

MAHALI CHUO KILIPO NA NAMNA YA KUFIKA

Chuo kipo katika kijiji cha **Tandala Wilayani Makete** (Mkoa wa Njombe) umbali wa kilometa 86.6 toka Njombe Mjini. Ukifika Njombe panda mabasi yanayoelekea Ikonda. Ukifika Ikonda telemka katika kituo cha mabasi ulizia sehemu Chuo kilipo, umbali wa kutoka Ikonda hadi Chuoni ni kilomita moja (1Km) ambapo unaweza kutembea kwa miguu. Kama utafika Njombe jioni baada ya mabasi yanayoelekea Ikonda-Makete kuondoka, uliza nyumba za kulala wageni zilizopo karibu na stendi kwenye ofisi za mabasi-Njombe.

DIRA YA CHUO.

Dira ya Chuo ni "Kutoa Walimu Mahiri wa Stashahada wenye maarifa, ujuzi na stadi wanaoweza kukabiliana na mabadiliko ya Sayansi na Teknolojia na changamoto mbalimbali za maisha Kisiasa, Kijamii na Kiuchumi".

MOTO WA CHUO

Elimu ni Kazi.

AINA YA MAFUNZO YANAYOTOLEWA

Chuo kinatoa mafunzo ya aina mbili kama ifuatavyo

- i. Stashahada ya Ualimu Elimu ya Msingi Miaka miwili (02). Mchepuo wa Sayansi na Hisabati pamoja na Mchepuo wa Sayansi Jamii kwa kutumia lugha ya Kiswahili kwa wahitimu wa kidato cha sita, walimu wenye Astashahada walio kazini na wale ambao hawajaajiriwa.
- ii. Stashahada ya Elimu ya Ualimu Elimu ya Msingi kwa njia ya masafa mchepuo wa Sayansi na Hisabati pamoja na Mchepuo wa Sayansi Jamii kwa kutumia lugha ya Kiswahili miaka

mitatu (3) hadi **miaka minne (4)** kwa wahitimu wa kidato kidato cha sita, walimu wenye Astashahada walio kazini na wale ambao hawajaajiriwa. Ufafanuzi zaidi kuhusu masomo na mitihani yatatolewa wakati wa maelekezo kabilishi (Orientation Course) ambayo hutolewa kwa wanachuo wote wiki ya kwanza baada ya kuripoti chuoni. Lengo la mafunzo ni kukuandaa kuwa mwalimu mahiri na mwenye ujuzi stahiki ili uweze kufundisha kwa ufanisi katika Shule ya Msingi nchini.

MAHITAJI KWA AJILI YA USAJILI (kwa wanachuo wa Stashahada ya Ualimu Elimu ya Msingi Miaka miwili.)

1. VIFAA VYA DARASANI

- i) Rimu moja ya karatasi ya A.4. (Multifunctional/photocopyier) kwa ajili ya mazoezi na mitihani ya ndani **Kila muhula na inakabidhiwa ofisi ya usajili** (zinapatikana maduka ya karibu na chuo).
- ii) Daftari 10 counter book (four au three quire) kwa masomo utakayosoma.
- iii) Mathematical set 1
- iv) Kalamu za wino, penseli na rula ndefu.
- v) Mkoba nadhifu wa kuchukulia daftari, kalamu na vitabu. **Ni marufuku** kwa mwanachuo kuweka daftari, vitabu, rula katika mfuko wa suruali, sketi, katika nguo ulizovaa au mkononi. Mifuko ya plastic, viroba na vingine visivyo vya hadhi ya mwalimu ni marufuku darasani.
- vi) Kila mwanachuo awe na Muhtasari (Syllabus) wa somo moja lililopo kwenye mchepuo wake na linalofundishwa shule ya msingi (Kiswahili, Jiografia na Mazingira, Historia ya Tanzania na maadili, Sayansi na Hisabati).

2. VIFAA VINGINE

- i) Bakuli, Kikombe na sahani vya bati (**Siyo plastic**) na kijiko kwa ajili ya kulia chakula na ndoo ya ujazo wa lita 20 kwa ajili ya usafi binafsi.
- ii) Mablanketi mazito mawili, shuka mbili za **pink kwa wasichana** na **blue Bahari kwa wavulana** pamoja na mto wenye foronya unaofanana na rangi ya shuka. Shuka za rangi nyingine hazitaruhusiwa.
- iii) Nguo za michezo aina ya track suit rangi ya buluu bahari za dukani zenye mistari rangi nyeupe (mterezo) zisizo na kofia-**siyo mtumba**.
- iv) Bukta na fulana (T-shirt za rangi nyeupe zisizo na kola) na raba za michezo za rangi mbalimbali.
- v) Uje na fagio aina ya chelewa (**wasichana na wavulana**)
- vi) **Uje na sabuni ya maji (dishwashing liquid soap aina ya jet) yenye ujazo wa lita tano.**
- vii) Picha mbili za passport size (za rangi) zenye background ya blue.
- viii) Kila mwanachuo aje na jembe lenye mpini (yanapatikana maduka yaliyopo karibu na chuo)
- ix) Kila mwanachuo awe na pullneck mbili (02) nyeusi ya kuvalia ndani ya shati la chuo.
- x) Kila mwanachuo awe na Gloves jozi mbili (02) kwa ajili ya kujikinga na baridi.
- xi) Kwa wanachuo wanaosoma Mchepuo wa Sayansi na Hisabati waje na Koti la Maabara lenye rangi nyeupe (Laboratory coat).

3. SARE

- i) Shona suti mbili za sketi ya rinda boksi moja buluu nyeusi (dark blue) na nyingine nyeusi. Sketi ziwe na urefu unaozidi magoti na zisizobana. Sketi nyeusi itavaliwa siku za Jumatatu hadi Jumatano na sketi ya buluu nyeusi itavaliwa siku za Alhamisi na Ijumaa (Sketi iwe kama mchoro namba 1 unavyoonesha).
- ii) Mashati mawili (02) ya light blue mikono mirefu.
- iii) Viatu vyeusi vya ngozi (Simple shoes) vyenye visigino vifupi/kawaida.
- iv) Soksi ndefu nyeupe zisizopungua jozi mbili.
- v) Tai ndefu nyeusi moja na bluu nyeusi (dark blue) moja-sio “neck tie”
- vi) Tshirt ya chuo inapatikana chuoni kwa gharama ya shilingi 15000/=
- vii) Kwa wanachuo waislam wanaruhusiwa kuvaa **hijab nyeupe na sio rangi nyingine.**



Wavulana

- i) Shona suti mbili moja buluu nyeusi (darkblue) na nyingine nyeusi. Suruali zake ziwe zenye marinda mawili yenye mkunjo chini (turn up). Suruali nyeusi itavaliwa siku za Jumatatu hadi Jumatano na suruali ya buluu nyeusi itavaliwa siku za Alhamisi na Ijumaa. Suruali itavaliwa na mkanda mweusi (suruali iwe kama mchoro namba 2 unavyoonesha-urefu wa kugusa kiatu)
- ii) Mashati mawili (02) ya 'light blue' mikono mirefu.
- iii) Viatu vyeusi vya ngozi jozi mbili (02) vya kufunga na kamba vyenye visigino vifupi/kawaida.
- iv) Soksi nyeusi zisizopungua jozi mbili.
- v) Tshirt ya chuo inapatikana chuoni kwa gharama ya shilingi 15000/=
- vi) Tai mbili, moja nyeusi na nyingine buluu nyeusi (dark blue) na siyo “neck tie”



*** Mavazi ya mitumba na mishono ambayo haijalekezwa hayatakubaliwa/hayatapokelewa.**

Aidha, inashauriwa kushona sare ukiwa chuoni kuepuka utofauti wa sare ambao haukubaliki maelezo kuhusu sare na ushoni wasiliana na mkufunzi wa mavazi kwa namba 0744169167.

4. MAVAZI UKIWA CHUONI (KWA KOZI ZOTE MBILI).

- i) Uje na mavazi ya heshima ya Kiualimu.
Kwa wasichana: Suruali, sketi na gauni fupi **havitakiwi**, aidha mavazi yenye kubana mwili, kuangaza na kuonekana yamegeuzwa **HAYATAKIWI**.
Kwa wavulana: Pensi na Suruali aina ya 'jeans', dengrizi ama za kupandisha

mpaka tumboni au kushusha chini ya kiuno **Hazitakiwi**, aidha mavazi yenye kubana mwili, kuangaza na kuonekana yamegeuzwa **HAYATAKIWI**.

5. ADA YA MAFUNZO(KWA KOZI ZOTE MBILI).

Ada ya mafunzo ni shilingi laki nne na elfu hamsini (**Tshs 450,000/=**) kwa mwaka. **MALIPO YA ADA YANAFANYIKA KWA KUTUMIA NAMBA MAALUMU YA MALIPO (CONTROL NUMBER)** ambayo utapewa na Muhasibu wa Chuo mara tu ufikapo au unaweza wasiliana na muhasibu wa Chuo kwa namba **0652048642** Muda wa kazi tu ili upewe control number. Malipo haya ya ada yanaweza kufanyika kwa awamu mbili kila muhula ni Tsh 225,000/=

6. MICHANGO KWA STASHAHADA YA UALIMU ELIMU YA MSINGI MIAKA MIWILI (02)

- i. Huduma ya kwanza Tshs 10,000/= kwa mwaka
- ii. Usajili na kitambulisho Tshs 20,000/= kwa mwaka
- iii. Serikali ya wanachuo Tshs 5,000/= kwa mwaka
- iv. Elimu kwa michezo Tshs 30,000/= kwa mwaka
- v. Ulinzi Tshs 30,000/= kwa mwaka
- vi. Usafi, mazingira na EK Tshs 20,000/= kwa mwaka
- vii. Ukarabati Tshs 25,000/= kwa mwaka
- viii. Kukodisha godoro Tshs 10,000/= kwa mwaka
- ix. Mahafali Tshs 10,000/= kwa mwaka
- x. Bima ya Afya kwa mwanachuo asiye na bima ya Afya Tshs 50400

Jumla ya Michango yote kwa mwanachuo asiye na bima ya Afya ni Tsh 210,400. Jumla ya michango kwa mwanachuo mwenye bima ya Afya ni Tshs 160,000/=

7. MICHANGO KWA STASHAHADA YA ELIMU YA UALIMU ELIMU YA MSINGI KWA NJIA YA MASAFA

- i. Huduma ya kwanza Tshs 10,000 kwa mwaka
- ii. Usajili na kitambulisho Tshs 20,000/= kwa mwaka
- iii. Serikali ya wanachuo Tshs 5,000/= kwa mwaka
- iv. Michezo Tshs 30,000/= kwa mwaka
- v. Ufuatiliaji na uendeshaji Tshs 40,000/= kwa mwaka
- vi. Ukarabati Tshs 25,000/= kwa mwaka
- vii. Vifaa vya usafi Tshs 20,000/= kwa mwaka

Jumla ya michango yote ni Tshs 150,000/=

Fedha yote ya michango ilipwe kupitia akaunti ya **Chuo ya NMB**, namba **60401100008** Jina la akaunti ni **Tandala Teachers' College**. Tafadhari Andika jina la **mwanachuo anayelipiwa na si vinginevyo**. Baada ya malipo mwanachuo anatakiwa kuja na **BANK-PAY-IN SLIP** halisi toka bank sio nakala (Photocopy).

N.B.

- Chuo hakipokei fedha Taslim kutoka kwa wanachuo kwa sababu zozote zile.
- Mwanachuo hatapokelewa iwapo hajakamilisha malipo ya Michango na Ada kama ilivyoelekezwa hapo juu.
- USITEMBEE/USISAFIRI NA HELA TASLIM KUEPUKA UTAPELI UWAPO SAFARINI.
- Fedha zikishaingizwa kwenye **akaunti ya serikali hazitarudishwa**.

8. KABLA YA KUFIKA CHUONI

Nenda kwa daktari anayetambuliwa na Serikali ili upimwe afya yako, fomu ya kupima afya imeambatanishwa. **Pia chuo kinatoa huduma ya kwanza kutokana na michango. Kwa**

matibabu zaidi mwanachuo atajigharamia au atatumia Kadi yake ya bima ya afya. (KUWA NA BIMA YA AFYA NI LAZIMA).

NB. Kwa wanachuo wa Stashahada ya Ualimu Elimu ya Msingi miaka miwili. **Chuo hakina huduma maalumu ya chakula (Special Diet)**

9. UTAMBULISHO (KWA KOZI ZOTE MBILI).

Unatakiwa kuja na vyeti halisi (SIYO NAKALA) vifuatavyo:-

- i. Cheti cha kuhitimu kidato cha sita au Mafunzo ya Ualimu (Leaving Certificate) yenye picha na muhuri wa Mkuu wa Shule/Chuo uliogongwa juu ya picha yako katika cheti chako (Leaving certificate) au result slip. Cheti kiwe kinatambuliwa na Serikali.
- ii. Cheti cha matokeo ya Mitihani ya Kitaifa cha Baraza la Mitihani ya kidato cha nne na cha sita (Academic Certificate) kwa wale wa kidato cha sita na Cheti cha kuhitimu kidato cha nne na mafunzo ya Ualimu kwa waliomaliza Ualimu Grade A.
- iii. Cheti cha kuzaliwa (Birth Certificate) ni lazima ulete, majina yalingane na cheti cha NECTA. Kitambulisho cha Taifa (NIDA)/ namba ya kitambulisho cha Taifa (NIDA).
- iv. Kutoleta vyeti vilivyotajwa hapo juu kutafanya **USIPOKELEWE**. Vyeti vyako utakabidhiwa mwishoni mwa mafunzo baada ya kusajiliwa na BARAZA LA MITIHANI LA TANZANIA na kukamilisha taratibu zote/kulipa madeni yote ya serikali. **Kuleta vyeti vya bandia au ambavyo sio vyako ni uvunjaji wa sheria za nchi ukibainika hatua kali za kisheria zitachukuliwa dhidi yako.**

i. MAWASILIANO.

Mawasiliano yoyote yanayomuhusu mwanachuo, kutoka kwa ndugu, jamaa na marafiki lazima yapitie kwenye uongozi wa Chuo kwa namba zifuatazo.

Ofisi ya Uadili Chuo cha ualimu Tandala **0753-012485**

Ofisi ya Usajili Chuo cha Ualimu Tandala **0 742771459/0656-332082 na 0769154526**

Makamu Mkuu wa Chuo **0755-447019**

ii. MAPOKEZI.

Mara ufikapo chuoni ripoti Ofisi ya Usajili kwa utambulisho na kukabidhi vyeti, risiti za benki za michango, na vifaa mbalimbali.

Pamoja na maelezo ya hapo juu, kama upo tayari kusoma katika Chuo hiki utatakiwa kufuata kanuni za Chuo. Ukivunja kanuni hizo utaondolewa chuoni. Aidha ukifika chuoni utapewa maelekezo ya namna ya kuishi chuoni.

MWISHO

Tarehe ya kuripoti chuoni ni tarehe 17/08/2026 hadi 28/08/2026. Baada ya tarehe ya mwisho ya kuripoti hautapokelewa.

KARIBU CHUO CHA UALIMU TANDALA

**VEDASTO J KIBYALA
MKUU WA CHUO**

Nakala: Katibu Mkuu,
Wizara ya Elimu, Sayansi na Teknolojia
S.L.P. 10
DODOMA.

Afisa Elimu,
Mkoa wa Njombe,
S.L.P. 858,
Njombe.

Mwenyekiti wa Bodi ya Chuo,
S.L.P. 1,
MAKETE.

GOVERNMENT OF TANZANIA
REQUEST FOR MEDICAL EXAMINATION.

PART A.
TO,
THE MEDICAL OFFICER,

.....
.....

From.....
Date.....

Mr/Mrs/miss.....

Name in Full.

Please Examine the above named as to him/her physical and mental fitness from a full time Teacher Training Course. The Examination should include the following categories: -

- (a) Eye – Sight
- (b) Hearing
- (c) Limbs
- (d) Speech
- (e) Venereal diseases
- (f) Epilepsy
- (g) Necroses
- (h) Other serious diseases
- (i) Pregnancy

MEDICAL CERTIFICATE

PART B.

(To be completed by the Government Medical Officer)

I have Examined the above named and consider that he/she is physically Fit/ Unfit and mentally fit /unfit for a full time Teacher Training Course.

- (a) Eye - Sight.....
- (b) Hearing.....
- (c) Limbs.....
- (d) Speech.....
- (e) Venereal disease.....
- (f) Epilepsy.....
- (g) Necroses.....
- (h) Pregnancy.....
- (i) Other serious disease.....

WIZARA YA ELIMU, SAYANSI NA TEKNOLOJIA

CHUO CHA UALIMU TANDALA

FOMU YA KUKUBALI NAFASI YA KUJIUNGA NA CHUO

I. MWANACHUO

Jina la Mwanachuo.....

Anuani

Mimi nimekubali kujiunga na chuo cha Ualimu Tandala. Nimesoma maagizo yote ya chuo kwa umakini na kuyaelewa. Naahidi kuwa mtiifu na nitazingatia sheria na taratibu zote za chuo kama nitakavyoelezwa.

Saini ya mwanachuo.....tarehe

II. MZAZI/MLEZI

Mimi.....

Mzazi/mlezi wa.....na. simu.....

Nimesoma kwa makini maagizo ya chuo yaliyotolewa kwa mtoto/kijana wangu. Nimekubali mwanangu ajiunge na chuo hicho. Naahidi kuwa nitashirikiana na Uongozi wa chuo katika kumkuza na kumlea mwanangu kitabia, kielimu na kimaadili ya Ualimu ili kumfanya awe mwalimu wa mfano katika jamii.

Saini ya Mzazi/mlezi.....Tarehe.....

NB Mzazi/mlezi hakikisha mwanao/kijana wako amezisoma sheria zote za chuo zilizoambatanishwa kwa umakini mkubwa na kuzitafakari, ndipo usaini fomu hii.